

*Grønlandsbanken-ip Aningaaserivinnik Nakkutilliisoqarfiup 1. september ullulerlugu nalunaarusiaanik nutsertitaani paatsuunganartoqassappat, taava qallunaatut allassimasoq aaliangiisuusaaq.*

Finanstilsynet

1. September 2016

## **GrønlandsBANKEN A/S-imi misissuinermit nalunaarusiaq**

### **Aallarniut**

Aningaaserivinnik Nakkutilliisoqarfik (Finanstilsynet) maj /juni-mi 2016 GrønlandsBANKEN-imiippoq misissuilluni. Misissuineq ileqqusutut ingerlanneqarpoq ingerlaavartumik nalinginnaasumik aningaaserivinnik nakkutiginnilluni orniguttarneq malillugu.

Misissuinermit aningaaseriviup sammisaqarfii pingaernerit misissorneqarput navialiffiusinnaasutut naliliiffigisat aallaavigalugit.

### **Eqikkaaneq navialiffiusinnaasunillu naliliineq**

Aningaaserivik Qallunaat Nunaanni aningaaserivinnit allaaneruvoq nunarsuarmi inissisimaffini peqquutigalugu, tassami taamatut inissisimanermigut Kalaallit Nunaanni aningaasaqarniarnerup ineriartorneranik erseqqissumik sunnigaagami, minnerunngitsumik aalisarnermik aallaaveqartut iluini.

Aningaaseriviup niuernikkut ingerlatseriaasia nalinginnaanerusunik taarsigassarsisitsinernik uninngasuuteqarnernillu tunngaveqarpoq, minnerunngitsumik aallaavigalugit Kalaallit Nunaanni sullinneqartuusut. Taarsigassiissutit agguarneqarsimapput 45,8%-ii sullissat ataasiakkaat iluiniillutik (gruppe 3-tut inissisimasut akornanni kisitsisaasoq 54,2 %-iuvoq). Aningaaserivik Kalaallit Nunaanni sullissanut ataasiakkaanut suliffeqarfinnullu mikisunut akunnattunullu annertuumik attuumassuteqarpoq. Aningaaserivik nunap avataani immikkoortortaqqarfeqangilaq.

Misissuinermit Finanstilsyn-imit sukumiisumik misissorneqarput aningaaseriviup taarsigassiissutai annerpaat 53-it, taarsigassiissutit misiligutitut tigusat 253-it aammalu taarsigassiissutit siulersuisunut pisortamullu ingerlasimasut tamarmiusut. Finanstilsyn-imit katillugit misissorneqarput aningaaseriviup tamakkiisumik taarsigassiissutigisimasaasa 60%-ii.

Aningaaseriviup ingerlataasa misissornerini paasinarsivoq, aningaaseriviup sullissaasa angisuut akiliisinnaanermut isumannaassusiat qallunaat aningaaseriviinut sanilliullugit agguaqatigiis-sitsinermi qaffasinnerusumiittut.

Aningaaserivik allaffissornermut tunngasuni ataasiakkaannguani inaassuteqarfigineqarpoq, ingerlatami iluini eqqortunik katiisarnissaq isumannaqqullugu, aammalu isumannaarlugu kredit-iliinerit iluini misissuineri naammattunik uppersasiissusiortaqqullugu.

Tigussaasunik aningaasaateqarnermut atatillugu aningaaserivik innaneqarpoq isumannaassagaa, tigussaasunik aningasanik peqarnissamik politikki aammalu siulersuisut pisortamut peqqussusiaat imminnut ataqatigiissammata isumannaqqullugit, taassuma ataani aamma isumannaarlugu LCR-ip (tigussaasunik aningaasanut maleruagassap) aningaaseriviup nalinginnaasumik sulineranut ilaalluinnassammat aammalu navialiffiusinnaasunut aqutsinermut atatillugu.

Naatsorsuutigineqarpoq aningaaserivik siunissami qaninnermi Kalaallit Nunaanni SIFI-tut (aningaaserivik inuiaqatigiinni pingaaruteqarluinnartoq mianerinnilluinnarluni ingerlanneqartussa) toqqarneqassasoq. Taamtutk pisoqassappat aningaaserivik maanna atuuttuni tanningaasaateqarnermut atatillugu sukannernerusunik malittarisassaqaartinneqalissaaq, soorluli aamma tigussaasunik peqarnerit naatsorsornerini suleriaatsinut piumasaqaatit qaffanneqartussaajumaartut aammalu ajalasoormi nappaqqinnissamut piumasaqaatit sukanganerusut ilusilersorneqartussaajumaartut.

Maluginiarneqarpoq aningaaserivik inunnik aaliangersimasunik pinngitsooruminaatsutut pisariaqartitsisusoq.

Finanstilsyn-ip misissuineq tunngavigalugu marts-ip qaammataani ukioq 2016 aningaaseriviup akiliisinaanermut isumannaassusia procent-inngorlugu kisitsisilerpaa 10,4 procent-imik. Aningaaseriviup nammineerluni naliliussaa 10,1 procent-iusimavoq. Aningaaseriviup marts-ip qaammataata naanerani ukioq 2016 tamakkiisumik isumannaassusia 19,8 procent-itut naatsorsorneqarsimavoq.